

Landesbibliothek Oldenburg

Digitalisierung von Drucken

**Dissertationum Medicarum De Connubio Astrææ Cum
Apolline, Circa Medicinam Forensem**

De Inspectione Cadaveris In genere

Emmerich, Georg Emmerich, Georg

Regiomonti, 1710

VD18 1310747X-001

§. XXVI.

urn:nbn:de:gbv:45:1-8856

scere debeat Medicus, egregie docet laudatus Bohn. loc. cit. p. m. 548. & seqq. In nostro Casu quomodo Medicus sese gesserit, iudicio intemerato Legentis relinquitur, id unice tamen dicere possumus, quod secundum scientiam & conscientiam deposuerimus.

§. XXVI.

Quæritur VIto. Inspectio ipsa autem quomodo se habere debet, si inculcata ac legalis audire avert?

Resp. Hic modus inspiciendi cadaver & de eò renunciandi tradi necesse est. Requiritur ad istum modum probè cognoscendum tria : Circumstantiæ, Sectio, Relatio. Istæ ante Inspectionem, illa in Inspectione, hæc post Inspectionem est consideranda. vid. Valent. l. c. Ante Inspectionem I. Tempus, quando inspiciendum cadaver, observetur, ut ejusmodi cadaver inspiciatur, quod nimis diu non jacuit, aut jam sepultum fuit, ac putredo partes jam invasit ac corripuit, injungit illud ipsa Constitutio Crimin. Carolina, ut ante sepulturam corpus inspiciatur, ne postquam corpus terrâ conditum est, de vulnere differentiis & lethalitate eorum suboriatur dubium. Præcipit hoc & nostrum Jus statutarium p. 909. ut inspiciatur, *ehe eine entleibte Person begraben wird* / sepultura enim, præsertim, si diu jacuerit corpus, qualitatem cadaveris ejusque partium admodum alterare, variare, invertere ac annihilare potest; Imò si putredo magna accesserit, hæc novam formam cadaveri, ejusque plagis ac vulneribus inducere valet. Sed nec Medicus ejusmodi putridum corpus cum dispendio sanitatis ac propriæ salutis inspicere tenetur. Conferatur Bohnius l. c. p. 582. qui in duplici casu ob foetorem horrendum & fracedinem insignem corporis inspiciendi, sectionem postulatam renuit. Præsertim cum talis inspectio nullius etiam usus fuerit, nec finem suum, scil. exactum iudicium de lethalitate assequi possit. Interdum tamen contingit,

tingit, ut & post sepulturam, si forsan ante neglecta vel illegaliter peracta fuerit, effossum occisi corpus inspiciatur, dummodo non nimis putredinosum, partesque adhuc in mediocri nec corrupto planè reperiantur statu.

2. Locus commodus ac opportunus satisque lucidus sit, ubi inspectio ac sectio fieri debet, imò si possibile, potius in libero aère, quam in angustissima casulâ; Nimius hinc confluxus hominum vitetur, nec præsentia spectatorum permultorum Inspectorum ac Professorum turbet, quo minus dextrè officium suum peragere possit, hinc multitudo hominum sudorem quidem in anatomico, ni impatientiam eliciet, tædium autem & laborem non compensabit.

§. XXVII.

3. Circumstantiæ aliæ variæ sunt indagandæ, scilicet: Nomen & ætas occisi l. vulnerati sunt quærenda; Constitutio ac dispositio naturalis ac præternaturalis ante & post vulnerationem indaganda, arma, quibus læsus fuerit, inquirenda & inspicienda, ictus vehementia consideranda, imò situs corporis dum percussus vel vulneratus est, indagandus erit. Sic nuper saltem in Lithostrato in Ebrio, cujus jam §. 16. mentionem fecimus, sellâ non adeo magnâ trucidato, ictus vehementia & corporis situs præcipuè erant indaganda, quæ magnum momentum ad ritè renunciandum addiderunt; Diæta insuper ante & post percussionem notanda; Adstantium quoq; ac chirurgi solertia ac curandi methodus inquirenda; Tempus deniq; mortis probè investigandum, & si quæ aliæ circumstantiæ pro variatione subjectorum, quæ inspicere debent, probè pensandæ veniunt. Ejusmodi enim circumstantiarum consideratio non solùm ad inspectionem meliorem & exactiorem faciunt, sed & postea ad melius dijudicandum vulnus & de ejus lethalitate judicium promptiùs ferendum, plurima subministrat argumenta. Circumstantias tales indagandas non solùm Nemesis Carolina art. 147. cum Comment, Stephani: sed & nostra Themis in jure Prutenico jubet, quando pag. 908. §. 20.

D

hæc

A

